

養默山房詩藁

養默山房詩藁卷十九

松滋 謝元淮 默卿

蘇臺集

戊子

吳淞雜詩

帑金特發大司農不使黔黎竭蹶供從古治吳先治
水三江次第看朝宗

水急沙鬆自古時輪薪運土莫遲遲吳淞舊例勞重

築不見江干太僕祠

潮大壩築於曹家渡丁亥九月二十八日合龍後陡整二丈

餘尺溜搜北岸壩後成口重費堵築十月十一日再合湖考嘉慶二十三年築壩萬安渡亦曾走壩而雍

正六年周太僕則
以搶築溺水者也

桔槔兩岸列長虹
厚水無分晝夜王
三日微晴一日
雨累人作苦是天公

吳淞故道太彎環
鑿破鴻濤切太濶
從此海潮來去

速免教畱滯阻重關

吳淞舊有六灣屈曲迴環海潮
來急去運易致畱淤今中丞勅

挑生地一百餘丈省舊河一千餘丈之
工潮水來去通暢永除滯淤之害矣

畚鍤爭先十二時
泥塗那復歎胼胝
就中端緒紛難
理願把金刀斬亂絲

添募民夫檄日催
江淮道遠費招徠
多多益善誰能
辦千古淮陰大將才

若入黃閭贊機要普滋恩澤周寰區利濟由來有八
體翻笑漆洧勞乘輿

荏林方伯新建梁高士祠命賦三首

志修謝富貴道重輕王公偕隱自遐舉奕世欽高風
出關歌五噫潛避甘終窮不仕漢章帝來依臯伯通
誰知座上客曾是廡下傭相賞在寒微今昔將毋同
迢迢千載後往來求遺蹤遺蹤久湮滅翦茲槭棘叢
古人信好事封樹要離傍逸民與任俠實亦未相當
世俗多忌諱遂令馬鬣荒要離如致禍伯鸞應降祥
俗傳要離墓碑不禍福不自勉鄙識徒禱張方伯恤
可樹樹則有殃

民情先德期表揚

方伯望出安定溯扶風舊支於高士爲族裔

杞梓爲棖

桷松柏爲棟樑歸然見祠宇萬古增輝光

今歲暮春吉清和序初調飛甍起城隅綺疏鬱岩堯
神靈旣得所佳氣凌青霄肅雍敬將事濟濟從賓僚
憶當適吳初心與延陵遨亦有滄浪水可以容逍遙
滄浪亭新建五百名賢祠祀季札以來諸先賢高士亦在祀中名賢五百輩視此爲
斗杓使君尊道義令名與俱高

題韋君繡在山草堂圖

莫作出山雲紛紛任舒卷莫作出山泉滔滔逝不返
韋子多勝情卜居寄蒼巘採藥不知處讀易惟歎損

補屋牽薜蘿泥塗視軒冕笑我苦奔馳常自憂偃蹇
偶然過草堂塵容愧莫鹽我爲小草小君爲遠志遠
在山與出山樞軸視一轉此中捷徑無入山慎勿淺
送浦霖姊丈回里

相送河干後歸來始黯然江湖君獨往松菊我遙憐
此水原通峽乘風直到天抵家煩問訊拋撇愧年年
周珍黃路補之過存得梅谷菊畦書

故人隔湖水相思日夜深二子翩然至喜得故人音

贈我瓊琚詞謬比甘棠陰

菊畦寫棠蔭圖於扇頭題詩見寄

甚感故

人意甚知故人心凌風思飛越訪君修竹林

周子孝侯裔純孝世所少路生好古徒詩詞風格老
雙槩來胥江一見並傾倒爲話荆南山蒼翠依舊好
追憶曩時遊空谷迹應掃

送周竹君大尹

恭壽

之任丹陽二首

縣令古諸侯舉措民生繫疾苦若不聞所知竟何事
除莠先安良去害勝興利要使官與民相親如指臂
勾吳財賦區漕糧叢積弊丁惟索之官官乃爲民累
爰有豪猾徒短長起挾制大戶日益多小戶愈窮匱
割肉且醫瘡投鼠還忌器官民困兩深束手推難治
周侯吾楚材其敏早出類一歲三擢遷簡拔有由致

盤錯需千莫峻坂騁騏驎鸞鳳殊鷹鷂催科寓撫字
斯民望好官亦如望樂歲願君心民心勿但爲廉吏
國家用人材進身不一端非徒銜富貴貴能濟艱難
循長溯蘇郡韋白古今傳後來繼雅化獨有況青天
丹陽古曲阿風俗雜淳頑其人半凋剋其地介衝繁
土田兼湖蕩水利講宜先我昔扁舟過城郭墮不完
老弱困道路婦女坐愁歎何由覩豐樂惟期守土賢
君昨攝金沙輿論稱翕然君今治大邑當如烹小鮮
遊刃導卻竅鋒鏑久能全與其大官喜不若小民歡
與其鉤距設不若蒲鞭懸吾將聽謳詠君行尙愼旃

虞山放生池

邑廟園內

灌木翳山麓幾忘園在城微風不送暑池水碧一泓
遊魚泳澄波一一鏡中行浮沈各自適見人馴不驚
乃是好事者蓄之怡物情巨黿爾何爲探首形猗猗
此豈池中物饑口思吞并大魚掉尾過小魚穿波輕
逃竄偶不速立與填饑阮彼在江湖閒聽其自相爭
逼茲池沼內焉容肆貪瞋牧馬去害馬安民除莠民
黿魚今並放黿肥魚不生食指吾已動亟令宰夫烹

惠磐卿

世昭

紅豆傳經圖

楓江流水硯溪通家學淵源在此中
羨爾華年能作

賦又將紅豆種東風

又題溪南滌硯圖

滌硯南溪水研經溯昔時儒林傳祖德紅豆發孫枝

君爲惠半農之孫四世列儒林傳家有紅豆樹稱紅豆惠氏莫訝田成石還宜墨

號池此中無晚歲努力事耘耔擘卿近務農圃故有結二語

逸山上人法螺種梅圖

桑與梅爭地梅花退自甘儘將香雪海移到法螺庵

鄧尉梅花最盛號香雪海土人嫌梅之利薄多改種桑暗香疎影不可多違矣賴有閒僧種

時邀野客探來年春信早遲我入烟嵐

題楊菱洲大令

念慈聽牧圖有牧

菱洲尊人乙雲先生曾於乾隆丙午權尹
松滋有善政君亦克紹前徽作宰榮澤以
憂旋平湖漫遊姑蘇遂相交好明年服除
當復出今將別我而歸以二十八歲時小
照索詩爲題此章兼誦其先人遺愛云

我初入塾方頑癡拋書每就羣兒嬉溪邊草肥春水
暖烏犍如馬風中騎東鄰西舍俱豐足魚多米賤無
寒飢終年不見吏胥擾惟聞官府催耕籽好官愛民
民愛戴至今韓名爲霖
陝西人楊存口碑從來明德世必大
於君磊落今信之君之先人吾舊尹吾鄉父老猶追

思邈迢吳門感令德那不歡然成故知况君政治守
家訓克光前列傳弓箕宣力河防資保障從戎川楚
舉旌旗中州作宰治繁劇恬靜坐使澆風移歸來故
里寄泉石未忘民瘼爲良醫

君善醫

示我往時行看子

圖中不似今丰姿幾經閱歷幾磨鍊遂使童領生多
髭把卷悠然聽牧笛依稀風景如松滋計君華年正
倜儻想見詩禮趨庭時展圖頓增羈宦感翻憶少小
多歡怡還君此圖致珍重片帆明日分天涯宛洛蒼
生望再出願君重溥先澤施舊種河陽花滿縣繁英
待放春風枝

九日遷葬亡友吳醒蕉於虎邱山麓同人畢

會封樹之後遂共登高詩以紀事

寥泬多淒氣搖落感秋心
幾日繁華歇霜葉忽滿林
慨念平生友俯仰成古今
薄棺瘞淺土常恐風露侵
移兆依虎邱諒足慰幽沈
盤盤山閒路夙昔常攀尋
埋骨舊遊地生死同開襟
況偕春廡侶倡隨和瑟琴

其配並附

鬼鄰盡高逸可以稱知音

卜地在錢補履僧鐵舟之左 羈魂

應得所徘徊獨哀吟

秋水何澄澈秋山何連綿
岑巒在其左靈巖當其前
穹窿峙西隅二何處東偏
憶昔重九日共泛西津船

道光三年九日子與君
繡醒蕉登高二何山

登高望遠浦滿目多雲煙賦

詩紀遊興自許三人賢豈知二載後弱一歸重泉韋
侯重意氣不以死生捐卽今登高節還與營新阡逝
者不可返山色空蒼然

人生誰不死乃爲死者愁破涕當以笑迴橈登高樓
樓中亦何有酒饌羅珍羞樓外亦何見箏笛喧蘭舟
把酒聽箏笛燈月照清流座中聚羣彥曠懷高千秋
不因富貴移豈爲貧賤憂朱

西生立齋

陸閩裁

無同

異戈

順卿韋君繡

有賡酬葉公

味三

最豪飲一舉十

觴休高歌可當哭秉燭還夜遊

相知無新故白頭或如新相親無存歿摯愛常如存
賤子家荆楚薄宦遊吳門慙率寡交契所友皆端人
落落廿餘載感舊聲屢吞今日同會葬乃得集諸君
諸君俱善我歌哭情彌真春秋佳日少况復逢令辰
怱怱百年過焉知誰主賓浩然且歸去母爲懷苦辛

與君繡重遊荆溪舟中作

城裏不知秋色老推蓬紅葉滿江關雲收盡露村村
畫風利全看處處山地是重遊先爽目人皆舊雨定
開顏與君明日雙溪住好慰烟霞莫便還

王仲子篇

有序

仲子名仁麟宜興鍾溪里人行三性誠篤
人號癡三家貧力田父早歿母患癰瘕臥
牀十二年仲子日夜扶持雖嚴寒酷暑不
稍懈母卒哀毀過性於是邑人士咸稱其
孝競爲詩歌以褒美之今年五十有九矣
予于役陽羨梅谷以啟徵詩爲賦此章

王仲子生長義興鍾溪里家貧母孀父早死世事蒙
不知知有母而已王仲子不讀詩書力耕田母病在
牀十二年朝負母出夕傍母眠兒手母手足母足母
不知疾兒承歡一旦母病卒恨不隨母歸九泉王仲

子人皆稱汝孝行年五十九常如嬰兒貌嬰兒愛母
出性真何須詩歌強相勞王仲子人皆謂汝癡汝胡
不學黠人爲嗚呼汝幸不學黠人爲古來忠孝節烈
事黠人逡巡避癡人慷慨獨當之

奉酬荆溪諸公四首

片帆速飛鳥遠樹來紛紛銅官忽在望遂入蜀山門
繫纜長橋下街鼓報黃昏未遑了公事且復尋故人
故人各好在一一相過存握手話契闊別久愈殷勤
未見苦意多會面轉忘言薄醪共斟酌細論莫辭醺
山水信夙癖陽羨愛尤偏旣親賢達士草木亦多緣

吳君屋外竹

梅谷菊畦
居竹林

周子池中蓮

珍黃屋
後園

人好物

亦好相看總怡然一上三休閣

蒙山家
閣名

溪山羅眼前

指點烟霞際筇屐昔周旋重來閱九載幸茲筋力堅

安得畱十日盡歷嶄巖巔

風氣日趨下舊遊每蕭條茲邑獨淳厚振興及僧寮

新葺法
藏寺

昔時荒草地園亭起丹霄

新建邑
廟花園

未免勤土

木亦徵物力饒猶思舊令尹化行無撲敲

陶山方伯
陶泉太守

走也何足稱兼謂如孟郊甚愧推許過甚悔奔走勞

樂鄉可吏隱未遇淮南招

客已連日醉主人意彌親泥飲家家扁客應愧主人

聞聲遠相訪

何東溪自烏溪來訪

見子何殷殷

董應彝率二子來訪

路生

最懇摯贈遺多可珍

補之見贈書畫

講道有真契

葉處士與君繡講道

參禪悟夙因

紅雪上人談禪

一時羣彥會令我忘髻塵奈何

舟楫迫燈火燿歸津此別亦不遠此遊足千春

寄挽張霽清明經

耄耄方徵壽秋風夢已醒荆陽亡老宿天上復張星

弟子稱高足

階平太史

佳兒尙弱齡長畱詩卷在幸勿歎

伶仃

萬事二首爲陽羨吳叟作

萬事不可強萬物因其時朝看灼灼豔薄暮餘空枝

盛衰理易測趨榮勢難持誰能當壯健預爲百年悲
陽冰有時冶磐石有時移涓涓幽澗泉下流成汙池
拙反勝大巧福亦爲禍基既往復何咎來者其可追
窮獨荒村叟衰病復何求誤學談天衍竟同繫獄鄒
殘年涉遠道觀者代爲愁生還縱有日已是南冠囚
想當借箸始亦願輸忠謀一登傀儡場牽曳豈自由
歎息滄海客性命輕洪流餘波尙及爾褰裳將貽憂

楊雪湖

秋

遺像

并引

雪湖字碩父吳江平望人少受異人術決
禍福多奇中虞山瞿公式耜最愛重之順

治庚寅桂林破瞿與都督張同敞等皆被
戮碩父哭請於定甫得冠殮以葬後復護
其骸骨還鄉隱於虞山自號不了道人卒
年七十有九范子湘槎藏其遺像囑題一
絕句

閒關粵嶠遠追尋忠骨終教返故林一代興亡生死
際幾人能不負初心

上雲汀中丞一百二十八韻卽以介五十壽
五嶽鎮區夏位南厥惟衡其宿應朱鳥其象爲文明
降神毓申甫靈秀鍾奇英我公稟正氣挺作廊廟楨

趨庭學詩禮髫齡已崢嶸舉筆書奇字吐詞和韶韻

弱冠入翰苑

公登嘉慶庚申賢書壬戌成進士入翰林年甫二十四

著述擅都

京詩購雞林賈

朝鮮使臣權永佐等購得公詩詣門求見並求詩字回國策擬陶詩屋結

社吟詩皆用公集中韻

紙貴洛陽城修史需小宋

國史館纂修

掄才

拔長卿

甲戌會試同考官丙子丁丑內簾監試

巴蜀文章藪玉尺分題

評

庚午典試四川

輜軒走蠶叢道險輪敲鏗覽古秦晉郊裝

眉遠齡嶠雲夢吞八九胸中殊恢宏珊瑚鮮遺枝和

璧尤晶瑩迴舟下三峽岸逼波喧轟奇懷騁奇境思

與造化爭每誦皇華篇

著蜀輜日記四卷皇華草詩三卷

夏玉清琰

琬

至尊嘉忠鯁朝野播能名一朝登諫垣

改江南道監察御史巡視

中城轉掌陝西道擢戶科給事中

豪猾竊怍怍首疏端風化再疏除

莠氓所言皆大政餘曷足彈抨至今傳諫草讀者目
猶瞠東南重轉輸

天庾儲香杭奉

命持漕節

嘉慶二十年巡視淮安漕務

舳艫銜尾撐其時值苦寒

千里飛珠霰長淮一夜合凍作綠水晶篙師袖手坐

椎鑿聲丁丁公曰勿自擾金石開由誠女郎有祠屋

芳躅崇清貞瓣香敬往禱東風忽然晴

回空漕艘阻凍公乃禱於

露筋神祠即日風和凍解潮水驟長銜尾暢行有漕河禱冰圖

既吹層冰泮還吹江

水生因難反致速與事驚聾盲特達蒙

殊眷驄馬止行行

復命後補吏科掌印給事中巡視東城

觀察魚鳧

國

嘉慶二十四年授四川東道

重厯煎茶坪昔來懸藻鑒多士歌

菁菁今來福東路童叟俱歡迎進秩陳晉臬

二十五年十一月

月陞授山西按察使

庶獄無冤撈執法肅外臺平反及髡鯨

奉

旨交審京控多案

八閩旋任劇

道光元年八月調福建按察使

述職慶登閣

丹陛語從容鎖鑰寄天振

十月簡授安徽布政使

嶢巖

百子山大江流法法天文分斗野地勢控南荆方伯

資表率百司供使令下車權積貯頓使轆轤清

核正存庫

清查

巨細咸釐剔整飭勤輸征

天恩高彌重天衢遠彌亨開府不易地大龍青嶢崢

道光三年正月
陞任安徽巡撫賢臣遇

聖主銳意酬昇平皖壤錯齊豫風俗誇強勗鹽徒帶

刀劍兇鋒不可撓公乃申令甲誅鋤廣遊偵緝獲兇盜擒匪

前後共二百餘
名境內肅然渠魁既已殄仍開一面紉餘眾許革

面賣劍買犢耕籌款收繳兇器匪徒遷業復因河湖患補救卹災

榮濱臨河湖各區被災奏請賑撫兼施全活無算義倉籌豐備建設豐備義倉立法垂遠

善堂收遺嬰新創育嬰堂六十餘間購海字京字號洲地以充乳膳但見樂皞

皞未聞泣嗶嗶飛蝗不損稼鳳頰蝗公率屬禱於劉猛神廟宿州青蛙無數

食蝗懷遠有鳥雀數
萬啄蝗俱一日而盡洪水亦濃濫境內以大治公心

愈惇惇道光四載冬高堰猝東傾黃運遂阻隔攢檣
如插檉當事乏良謀搬運露囊盛

天子厪南顧宵旰

聖慮縈移公撫吳下積雲一柱擎公曰時孔亟安得

守硜硜譬若調琴瑟微絃須改更察今而稽古端宜

航大瀛

道光五年七月移撫江蘇首定海運之局

飛章奏報可檄下羣猜

驚乃論招賈舶

招雇上海沙船及浙省蟹船三不像等船皆爭先具攬

乃令定

章程乃籌經費足

海運一切經費皆由外籌撥

乃卹丁柁情

停運糧船

水手酌給口糧貼補

乃親駐滬瀆

公前後凡三至上海駐飭督辦

萬口靜無訇

乃擇賢能吏

遴委文武大小一百餘員咸稟指示悉臻妥善

指揮眾力并我

幸供奔走

元准得與驗米監兌并查船隻諸事

蹂躪忘勞賴惟睹沙船

去帆遠葉葉輕滄溟浩無涯中多吞舟鯨潛蓄伏海

底鼓浪稀暴颶

海船穩渡重洋始終一無損失

始知精誠格信義延

八紘

二月二十五六七等日又起北風大暴時初運之米一百

數十萬石俱在黑水大洋公目擊狂颶虔誠默禱屢獲平安

自冬倏徂夏海運爰

告成

六月初五日海運一百六十三萬三千餘石共船一千五百六十二隻掃數斛兌開行穩抵天

津芻輓倍覺省

南北經費即以前向來辦漕雜費充用並未絲毫請帑

太倉還增

贏

節省耗米五萬餘石搭運通倉又節省常年給丁銀十餘萬兩米十餘萬石糴變存庫

酬庸

頒懋賞翠羽飄冠纓

海運報竣公蒙旨嘉獎

賞戴花翎

優推

恩及寮屬遷擢遞沐榮

在事大小文武自方伯以下各陞實有差元准亦邀

恩旨感激益自任民瘼備經營南國賴水利塘浦交縱

橫三江已淤二竟同塞口壘

婁江即今瀏河已淤塞東江并入黃浦惟吳淞

承太湖亦淤淺

吳淞承太湖細溜絕瀚汗下令亟修復子來

若奔麋排疏六十里

自青浦井亭渡起至上海曹家渡止共一萬九百丈

一水

通盈盈農田均復業野畝羅楸枰又思闡幽德節烈

嘉娉嫔

表揚貞烈採訪靡遺而常屬武陽二邑貞孝婦女一疏得請者三千一十八口

忠臣

與孝子概得邀

褒旌

歷代忠義孝弟及勝國殉死諸臣皆爲題請

講道尊儒術增祀從兩

楹

請以前明儒臣高攀龍從祀文廟

名賢六百輩圖像嵌雕甍

重葺滄浪

亭建六百名賢祠祀季札以來先賢五百七十餘人刊像祠壁

勸善表遺行

創造震川書院

周太僕祠請以原在南河總督蘭第篤學新序修

錫海州知州唐仲冕入祀名宦祠

河縣文廟高風雅慕李白重修白公祠於懷杜閣仰

淳縣書院蘇樓之外增建慕李軒以

祀太啟事薦黃瓊公撫吳多所薦拔善政難徧舉明

白一時號稱得人

德聚祥禎餘暇弄柔翰壇坫主文盟長篇恣揮灑隻

字窮煉烹法律宗杜韓俯視籍與翊公餘之暇更多

注皇華草得吳水碧繞帶吳山翠連桁沿流或放艇著作元淮因補

忘機狎鷗鵲登眺每造巔公健步如飛每因公登眺

矯步捫參槍讀書憶石屋必造巔極僚屬莫能從

訪銅坑秋庭閒飼鶴春谷屢聽鶯湯公家小淹在資江石屋探梅

莊文漫宋期同聲智囊富經濟武庫饒甲兵况屬名

莊文漫宋期

臣裔

公爲晉名臣長沙桓公之後

經學傳家

贈公黃江先生博學尚氣節能文章

著有黃江詩文集常有驅虎弭崇之異親課公讀書庚申鄉試同出第九房以額滿遺

流長本

源遠澄蓄自淵泓今年甫五十

本年十一月三十日爲公五十五初度風

度何觥觥體勤運百甓胸正瞭雙睛掀髯常謦謦仔

肩更錚錚功業久昭著

寵遇方滋萌舟楫用濟世鹽梅應和羹如月之始朔

如歲之始正仲冬躔星紀吉曜輝長庚鈴閣開綺宴

閨苑吹瑤笙介眉偕德耀戲綵添錦綳

本年三月吳新添公子

人舉稱慶親愛如父兄南方有神鳥厥名曰鶴鵬栖

止必梧桐啄食必蘭蕙千載偶一至三年未嘗鳴翩

然集鈴閣飛舞節球鐙堂上何所有瓊檠捧赤瑛堂
下何所有仙鬟擲銀箏勸公以玉脯脩公以金莖祝
公壽千百駐顏齊聘彭賤子逢嘉會含意未敢呈幸
躋公堂後願效野人賡

李蓮仙

師白

江山畫稿圖

我行天下江山多每逢佳處耽吟哦境奇語拙苦難
狀輒思圖畫畱觀摩君從何處得此意潑墨揮毫逞
遊戲不師人工師化工拂拂筆吐烟霞氣君家營邱
畫入神大小將軍尤絕倫流傳幾本世爭仿君獨榮
礪完天真與君生長皆江漢楚地雄奇天下冠偶然

蹤跡聚吳門萬水千山閒裏看安得偕往遊天涯風
爲舟楫雲爲車縱覽六合以外飛仙不到處點染混
沌未分沙水紛蟠拏君畫出天然我詩藉神助一畫
一詩一枝筆盡掃浮華絕依附與君再寫滄洲趣

題程素安 光旭 詩稿後

鐵華巖古碧嶙峋綠水青山秋復春最是繁華無盡
處此中吟老幾詩人 鐵華山館集

一編錦字寫愁多弔古懷人意若何每到芙蓉橋上

望半江春水縐微波 芙蓉仙館集

讀雲汀中丞談瀛錄題後

東國陪臣能好學中朝太史本天才擬陶詩屋添詩
三望見蓬瀛絕頂來

雞林詩購買人還今古才名重一般我欲畱題頻擱
筆彼中能辨白香山

辨味篇

吾家老僕夫給使二十年隨予走南北辛苦同周旋
陸爲秣車馬水爲擎舟船本不治樽俎司庖亦偶然
伊昔遊許鄧百錢市彘肩生柴燒缺釜加以椒鹽煎
瓦拌坐樹根飽喫覺甘鮮一從來江表稍稍嫌腥羶
當案每不飫乃呼僕夫前技習宜精好汝烹何遜先

官昔身貧賤臟腑藜藿填饑口易爲味得肉不求金
官今入仕途徵逐陪華筵珍羞充腸胃蔬筍應棄捐
官又慕高爵復思多金錢區區方寸中萬慮紛糾纏
智疲神亦瘁飲食何擇焉我聞啞然笑繼思理無偏
論官至簿尉卑微已可憐嗜欲尙味本况屬朝堂賢
生長富貴叢得母有所牽淡泊知正味何時遂歸田

黃雀

黃雀巢簷隙未羨逍遙遊得食還棲止不作稻粱謀
養子漸成翼望哺聲呌啾念子哺不足翻向青冥求
青冥高莫極飛飛遽難休歸來子得哺豈知雲路悠

西北高樓上中夜聞清謳雕梁繞餘音紫燕棲上頭
遺羞常得飽風雨不知愁嗟哉黃雀愚胡不巢高樓

解餉進京過許墅關作

古者各分疆越境嚴鎖鑰後世稽且征津隘徧筦榷
其在額稅餘強抽皆白著許墅吳西門立法較爲約
遙見餉船來意思已蕭索搜篋睹羣書搖手呼莫莫
開關趨我行微言頗善諱抱經君何爲抱關聖擊柝
微雪泊無錫不得遊惠山

九龍山色最蔥蘢今我來過植杪冬微雪竟能迷絕
徑凍雲偏是鎖危峰因懷勝蹟重回首思飲甘泉一

盪胸預計歸時春又暮快遊何日得從容

除夕泊丹陽和東坡岐山歲暮三首

用原韻

饋歲

楚蜀俗略同親鄰每相佐歲暮尙往來土物兼財貨
餽受皆眞誠歡欣無小大戶戶醉畱賓更深不肯臥
離家十年餘此景恍入座除夕阻丹陽歲月驚如磨
蘇公在岐時早歎華年過我更後來人讀詩聊追和
別歲

別家更別歲話別兩棲遲我別歲不畱歲別我何追
相將練湖曲揮手分天涯歲去從今日歲來復何時

東風吹野草離離綠又肥新歲來勿喜舊歲去勿悲
萬古此日月新舊迭相辭屠蘇且盡醉莫待鬢毛衰

守歲

居諸去俱速相憐若風蛇長繩已難繫赤手焉能遮
殷勤苦相守守之當如何扁舟阻荒岸霜夜寂無譁
高詠古人句不覺唾壺撾銀燭莫遽短銀河莫遽斜
但愁來鹵莽何妨去蹉跎春光隔一線有守言非誇

除夜舟中感懷

我生遭際更何論惆悵燈前酒一樽官已再遷仍舊
秩名經三薦尙虛恩殘年遠別憐兒女夜雨多違憶

弟昆四十五年成底事孤蓬除夕泊荒村

養默山房詩藁卷二十

松滋 謝元淮 默卿

蓬心集

己丑

元旦立春丹陽舟中作

曙色催銅漏和風滿畫船立春逢首日爲客入新年
暫醉荒城下還遊古驛前揚州應跨鶴十萬有腰纏
由橫閘出江兼美陶中丞

古人因時宜措置皆有方鑿山成運道設閘通舟檣

橫閘

越閘

納潮汐增潤輸漕糧後賢法泥古臨事空

舊章近年袁江浦清水低於黃禦壩閉不開急智出
倒塘其法非不善其事要難常去冬江水落西風日
夜狂京口涸見泥船泊金山傍公乃奏

天子越淺浮歸航挽舟進橫閘千帆隨雁行糧艘盡
歸次我舟亦輕揚從此出大江金焦遙青蒼振柁待
風轉欲渡思茫茫任事須解事豈在多更張

人日泝流渡揚子

西風昨夜浪冲天誰信今朝穩泛船暫阻波濤時偶
爾卻看青翠景依然題詩寄遠剛人日買渡尋芳憶

上年爲語金焦休怨別歸來醉我兩峰巔

過揚州倚虹園同包慎伯遊平山堂歸得十

絕句

畫船初卸一帆風笑指名園倚落虹如此亭臺好耶
整伊人端合住當中

恩恩相訪便遊山難得心如我輩閒話到興亡頻指
點櫓聲搖過幾溪灣

垂楊垂柳儘風流千古傷心弔玉鉤多少紅顏埋沒
盡梳妝剩有貴嬪樓

清夜笙歌幾度聞幅巾遊行趁餘曛波流東海何時

盡愁煞雷塘煬帝墳

尺五樓頭尺五天
篠簜遙接水東邊
當時芍藥園金帶
孤負何人壓帽偏

第一江山第五泉
到來心迹兩悠然
玉蘭含蕊梅花

死

平山堂前歐公手種梅
花一株尙存今稿矣

空憶清風太守賢

有聖祖

御題賢守

清風扁額

嶺上衣冠問舊祠
倉皇開府最堪悲
南都縱建中興業
將相當年竟是誰

翠華南幸說當時
到處園亭入

藻思

宸翰至今輝日月遊人何苦更題詩

平遠樓高入望遙隔江山色麗青霄倩誰煙水空濛
際爲補春帆倚畫橋

歸橈日暮漫相催追憶從前笑語陪
嘉慶七年二月侍先君遊此
二十八年纔兩到自今還許幾回來

咏飛鳥

凌虛奮翼每嫌遲閭闔遙遙到幾時莫入青雲高處
去罡風吹爾化遊絲

鄒城旅舍和蔡夢吾壁閒遺詩

早發紅花埭遙遙見斗城一遊鄒子國重識故人名

鴻爪畱痕暫駒光過隙輕應憐題壁者感慨不勝情

渡沂河

春風初淡蕩春水已流漸斷冰積淺灣殘雪盈路歧
客子清晨發待渡重依遲水清沙愈淨鳬雁多幽姿
童冠昔詠浴熙然暮春時吾徒歎鞅掌千載難與期

唼喋水中鳬

唼喋水中鳬泛泛渾忘機兒童拍手驚不起忽然自
起翔朝暉翔朝暉重徘徊相呼相喚去還來可憐鵝
鴨亦有翼不能高舉緣身肥乃知飽食未爲福鵝鵝
從此甘長飢

沂費道中望魯蒙諸山

返照千山赤遊塵一騎紅客行嵐翠裏春到雪霜中
地說顓臾近風思舞雩同會須登泰岱得勿小東蒙
蒙陰道上

百里連峰左右環行人常在翠微閒夕陽更比朝陽
好飽看蒙陰道北山

青雲山

新泰本名敖山

眞山如假山形勢始奇妙魯道望青雲一峰聳孤峭
疑是大羅仙醉草通明詔擲筆墮塵寰萬古生光耀
雲山卓筆爲邑景之一山有神光俗稱鼇山萬盞燈云
梭獵肆搏擊天馬恣騰

起巨鰲偃洪波昂首不受釣我從東方來見之欣然
笑安得同懷客梯此共憑眺觸石爲掛纜崇朝徧海
徼勿但多奇峰聲名純虛盜

羊太傅故里

新泰羊
流店

趁墟人散市西頭薄暮征驂喜暫休應是羊公流澤
遠至今村店號羊流

軍前餽遺兩無猜身後能令敵境哀我到祠堂重墮
淚當年曾過峴山來

望岱

蒼然岱色滿晴空馬首朝來更向東見說登封先五

帝原知祭秩視三公片雲尙作垂天雨初日應騰大海風縱目好從高處立下方塵霧太夢夢

由肥城騎馬至長清

牛山

肥城山名

不負輓馬山

長清山名

不受羈胡爲牛馬走獨

向山中馳石火迸蹄鐵坡坂多險巖上坡復下坂溪水清漪漪策馬涉溪流馬渴鳴聲悲揚鞭快奔放亦當念力疲泰安本捷徑方軌行坦夷

王程有定則焉敢畏多歧

泰安信宿達齊河坦途方軌驛程由肥城長清山路

崎嶇三日始到轉餉者多棄餉由捷徑予獨乘馬督餉隨行亂山中

躑躅萬山中屢受

僮僕嗤自求心所適巧拙吾何知出山見平野

山路自蘭

山入山至
長清出山
按轡宜此時

平原謁顏魯公祠

平時天子不知名世亂空餘感歎生
自是朝中無正士居然河北有堅城
蠟書展轉通靈武龍馭從容返帝京
垂老忍教重陷賊只今瞻拜淚如傾

開福寺塔

景州

遙瞻輪相興飛騰到此翻愁捷足登
直上青雲六百

尺平臨北斗十三層重修至治畱初地

元至治三年重修

始開皇演大乘

隋開皇中勅建

我欲齋心皈禮塔慚他竹院

挂單僧

過獻縣作

三里荒城斗不如
草元中有子雲居
風流吾愛紀夫子
解讀時人厭讀書

燕南雜詩

蚩尤作霧竟迷空
開闢初經戰伐功
自古聖王神武備
不周枉自觸蒼穹

黃金不惜築高臺
畢竟燕昭肯愛才
後世豈無千里駿
按圖原索只駑駘

七首攻秦計本難
悲歌徒送白衣冠
田樊已被荆卿誤
更誤荆卿太子丹

宋金當日此分疆
劃斷清流一線長
絕粒有人驚坐起
可憐千古恨茫茫

南皋店感滑縣女子章蓮寶事

嘉慶十八年滑縣之難
女子章蓮寶美而才
陷賊中城破爲官兵
所得題詩南皋店以
寄悲憤冀破鏡之重
圓也其夫鄭俊卿訪
尋見詩大慟和韻亦
畱壁閱者哀之爲賦
二絕句

誰教城邑陷窮奇
亂定翻遺婦女悲
破鏡重圓應有日
黃金只要贖蛾眉

全節尤難在守身千秋名教有完人休將大義繩兒
女佳傳何當恕二臣

十二連橋曲

趙北口

滿隄楊柳碧於簪接續紅欄一鏡涵七十二沽煙水
闊誰知趙北有江南

不披絛綺只披蓑幾度穿風蕩槳過橋下打魚橋上
賣與郎沽酒醉煙波

一橋一月一相思十二橋分十二時自古佳人燕趙
美浪誇越網得西施

愛唱連橋鬪道歌任他車馬日奔波便教輪與揚州

半已勝西湖一倍多

西楚霸王墓

東阿舊縣

一戰亡秦志已酬聊乘餘興割鴻溝漢王百敗終跳
免卻慮江東父老羞

孤冢殘碑滿棘榛穀城山勢怒嶙峋八千子弟歸無
處笑殺田橫五百人

黥彭降漢早紛紛拒守危城慘陣雲亞父云亡桓楚

走無人爲表李將軍

史載項王墓葬穀城卽今舊縣當時有李將軍守穀城不下

與漢王約以王禮葬項王乃自刎死今墓傍小冢是也

和俞陶泉太守梅花九首追步高青邱韻

送調任金陵

不須羅帳掩亭臺屋角牆邊次第栽破臘纔看生意
迎衝寒已覺暗香來孤山月淡多臨水古洞雲深半
護苔

武林舊事苔梅有二種宜興張公洞者苔蘇最厚花極香

莫訝疎枝偏傲雪

祇因留得好春開

幾生修到藐姑仙尚有巡簷索笑緣鳥語喚回林下
夢笛聲吹破嶺頭煙一枝不子疲驢後數點蕭疎睡
鶴前最好相思宜小飲重雲斂盡月流天

驛使何勞寄隴頭滿林香雪未全收山中逸興乘輕
屐水畔餘芳襲過舟看去豈容浮客賞折來應動美

人愁石亭千樹還無恙擬泛雙溪續舊遊

碧空無際月無痕把酒看花酒正溫清豔自宜栽閨苑孤芳聊爲表荒村冰霜鍊就癯仙骨粉黛銷殘倩女魂我信廣平心鐵石偶然作賦比長門

高樓玉笛忽移宮紙帳清溫有夢通到此祇疑三島近看來眞覺萬花空丰神遠出塵囂外意趣都歸冷淡中幾度溪橋成獨往任他紅紫一叢叢

洗淨浮華絕點塵方知世外有佳人何曾著意先凡井不覺隨時占早春雪後雪前愁渺渺江南江北憶頻頻從今領略清幽况標格端於淡處眞

徒令吳君蹤跡之旣踰月得於都天廟於
是施金贖帶歸山中寫焦山還帶圖并爲
之記繫以長歌裝成卷帙付山僧借菴掌
之名山佳話又添一段公案矣

勲名昔與山爭崇才名今與山始終前哲佚事後賢
補畱帶還帶全高風金焦京口峙雙嶼玉帶獨鎖浮
玉峰焦山寂寞少顏色文襄繼起齊芳蹤欣然解脫
付禪榻頓覺巖石增青蔥了元未必勝妙福楊公大
可追蘇公如何韞櫝不知寶竟離趙闕入秦宮周鼎
模糊鶴銘碎江月黯澹雲空濛來何遲暮去偏速畱

此缺陷疑蒼穹蒞林方伯雅好古公暇偶爾攜吟筇

手披煙霧訪遺迹輒思慷慨歸楚弓一朝忽返連城

璧合府傳看光瓏璵遠產于闐致萬里磨磷石借他

山攻方團大小二十胯雕鏤百鹿木石叢三台輔弼

圍四尺

按明志革帶前合口處曰三台左右排三圓

前十三枚正與此

挑排方左右曰魚尾有輔弼二小方後七枚

帶合帶圍四尺餘緣以收緞橫鞋紅明制革帶一品

青鞋今鞋用紅緞爲小異

當時章服貴蟒玉緋袍摺笏何雍容想

稱智囊歷將相甲兵數萬藏胸中祇今拂拭認舊物

幾重包裹親題封付之山僧世典守再勿劍化延津

龍垂棘未隨屈乘長紫金得反高麗豐山靈大悅焦

公笑補完造化成全功作歌既壓方思道寫圖還繼
崔子忠一記一詩一幅畫光芒燦若朝霞烘滌洞水
晶庵外水天矯松寥閣前松去珠還珠符合浦失馬
得馬異塞翁若較蘇帶論優劣轉因歷劫誇奇逢我
昨泛舟北固北未遑淪茗東冷東顧盼兩峰相輝映
知是寶物精英鍾扣舷欲歌愁和寡寸莖何敢撞洪
鐘點綴名山畱佳話文字因緣添一重後之視今今
視昔茫茫萬古將毋同大江如練山若礪此詩此帶
傳無窮

白隄秋稷

并引

中元後一日韋君縉招同顧澗賓

千里夢

笠人

漁

尤榕疇

崧鎮

戈順卿

載

朱酉生

綬

沈閨生

傳桂

朱立齋

紫貴

沈式如

秉鉅

貝

六泉

點

貝无咎

清馨

楊包二羽士時令子

文熙

從遊並予爲十五人集於虎阜白公

水榭爲延秋之會觴詠終日極其流連於

是笠人六泉各寫一圖酉生爲之記同人

皆有詩賦五言一首

城市觸炎熱遊山意屢乖清商生微涼雅會集同儕

既尋吳王墓旋過生公臺放舟白隄曲攜手且徘徊

白公竟何往吾黨欣重來斗酒聊爲樂暢此平生懷
水窗延夕爽野曠秋氣佳琴韻颺竹院碁聲落苔階
憑臨景堪寫歌詠興悠哉雙鶴亦自得長唳青雲開
雲端一片月流光入金杯相逢須盡醉共泛明月歸

金陵雜詩

雉堞巍峩指石頭金陵形勝壯千秋自從一片降幡

出虎踞翻貽鬼臉羞

石頭城今呼鬼臉城

五馬浮江一化龍天教半壁劃江東羣賢漫下新亭

淚風景山河幾許同

新亭一曰中興亭在府城西南十五里今新亭壘

首渡江東創六朝天成雙闕鬱嵒巍茂宏豈有中原

略特借牛山爲解嘲

牛首山在城南三十里一名天闕山

百萬強氏詫舉鞭圍碁賭墅轉悠然

袞破賊兒曹遂凱旋

康樂別墅在上元清風鄉黃城橋後爲檀道濟宅

桃葉山前桃葉香渡江舟楫誤紅妝

只應赳赳韓擒

虎曾棹陳船接晉王桃葉渡古建康北江中之洲大可百里晉王廣由六合之桃葉

山乘陳船渡江由此得名宋人以秦淮水上之渡爲玉獻之渡桃葉處非也

誤說天孫織錦坊城南誰識讀書堂

周侯若解司機

周孝侯臺在南門飲虹橋業機杼者奉祀之蓋訛處爲杼也石

壩街舊有樂王廟明初樂戶統於教坊司有官主之朔望行香歲久既廢土人誤爲藥王廟祈禳疾病者

爭致

禱焉

鳳去臺空不計年我來瞻望思飄然三山二水還依

舊何處題詩訪謫仙

鳳凰臺在南門內新橋西

聚寶山巔古道場當時說法讚雲光空花不救臺城

餓畢竟輸他雨粟強

雨花臺在聚寶門外梅岡上高座寺後

試染胭脂便有情朝朝瓊樹聽歌聲南朝宮苑畱新

式鑿井樓前好避兵

景陽井在雞鳴寺前施食臺後

岸柳蕭條暮靄收我來恰好對閒鷗六朝事業隨流

水剩有湖名號莫愁

莫愁湖在水西門外

四面紅羅似錦鋪梅花也自笑清癯新詞記得韓熙

載爛漫春光一半輸

紅羅亭

王氣金陵久暗銷，休將往事問漁樵。
南唐後有南都繼，從此江東號八朝。

芟除僭竊洗山河，僞號驚看鏡未磨。
殘石何來乾德

字燕山，猶愧讀書多。

宋太祖建國四年改元乾德，先是浚、秦、淮得石有大宋乾德四

年字蓋輔公，祏據金陵時有此僞號石出，適值其時人以爲符云。

誤國由來亦誤身，半山園囿滿荆榛。
天生此老非無

意，要送中原與女真。

半山園

賭墅君臣佚事誇，明湖終古屬徐家。
誰教一子斜飛

入應悔，當時布局差。

勝棋樓在莫愁湖上

帶礪河山逮子孫，先朝賜第詡殊恩。
大功坊表元勳

烈遺額還懸舊內門

舊王府

燭火焉爭日月光
彫頤空復羨陳王
石橋忽訝欄杆

易夜半倉皇喚老康

江東橋

韓國功宜萬死酬
祝禧殉節更千秋
如何二百餘年

後眞僞龍封辨不休

韓國公子祺尙太祖臨安公主永樂初不朝賜死江浦合葬祝

禧寺其十三世孫士選於崇禎時呈出太祖所賜龍封當時朝議或以爲僞事見李清三垣筆記

豎子登壇氣已降
金川痛哭恨填腔
高皇俎醢功臣

盡太將翻城李九江

金川門今閉

削藩何故起兵端
篡奪分明白解難
欲藉浮屠功懺

悔報恩塔聳古長干

大報恩寺在古長干里

殉國煤山運已終降王何事擁江東春燈燕子饒嬉
戲草草君臣醉夢中

昇平鼓吹鬧天街花月春風處處佳十六樓荒南北

市輕煙淡粉鎖秦淮

十六樓明初建以處官妓爲遊人憩息之所曰南市北市來賓

重譯集賢樂民鶴鳴醉仙輕烟淡粉柳翠梅妍石城謳歌清江鼓腹後皆廢惟南市樓在陡門橋東北康熙中太守陳鵬年改建講堂

方正學祠

荒涼何處弔忠魂木末亭南白日昏尚有青山堪瘞

骨

公盡節後門人王餘收遺骸葬聚寶山

竟無黃鳥爲鳴冤漢家七國

終須反趙氏孤兒那得存

明史葉世宗時松江人俞斌自稱孝孺後謂當時

海典史魏澤藏其幼子德宗屬門人俞允攜之松江
遂爲俞姓一時士大夫爲纂歸宗錄旣而知其僞乃
已一死敢云臣節盡傷心往事莫重論

金陵除夕

只是尋常夜無端感歲華三年皆作客兩地共思家
一一前塵過頻頻漏鼓過阿咸如慰我時攜姪同應
來工次
勸酒重賒

養默山房詩藁卷二十一

松滋 謝元淮 默卿

石城集

庚寅

新歲三日遊清涼山作

臘雨入新年佳辰喜晴霽躡屩石城西清涼高聳翠
濕煙卷層嶺旭日收陰翳風景遽更新草木含生趣
振策升崇岡精藍暫留憩我昨役河干茲嶺朝夕對
發興屢愆期遊目今始快遐思溯往古周覽具形勢
英雄苦戰爭賢哲殫智計一廢復一興幾王更幾帝

漠漠隨烟消滔滔等川逝羊公峴首悲齊景牛山涕
古人早自傷況我悠悠輩且上翠微亭還息清涼寺

過明故宮

颶風吹雨過輕雲漏朝曦城北訪遺跡遂入故宮門
文石鋪御路紫闕峙天閭規模自宏闊氣象終慘昏
金殿剩廢基玉闥餘頽垣丹墀堆馬矢鈿砌散雞豚
龍石胡破碎知是劫火燔今爲瓦礫場昔爲宸居尊
真人起草萊僭竊摧崩奔洗盡偏安陋南面控中原
當其經營始萬世貽子孫豈知身死後禍難構親藩
骨肉相殘賊他人復何論忠臣駢首戮瓜蔓啼冤魂

至今階石閒斑斑留血痕一旦徙幽燕陪都名僅存
福王燭餘燼死灰噓不溫某殿與某宮徒徵故老言
我生際清宴愧如虱處禪時暇心偶適散步乘春暄
無感亦無愁歸去開清樽

功臣廟

獨上欽天山言尋功臣廟棟宇盡傾頽瓊甍亂顛倒
願鼻負穹碑刻劃存制詔元勲首徐常李鄧湯沐趙
二十有一人一一塑形貌恩澤子孫延功業史冊耀
迄今數百年過者猶憑弔可知蓋代功際會起屠釣
我從故宮來荒烟迷晚照明社久爲墟此復何嗟悼

徘徊山之阿野風還吹帽遼鶴去不返寒鴉自相噪

雞鳴寺

雞籠山之左有寺曰雞鳴憑虛建高閣輪相空中撐
前臨胭脂井側枕古臺城登高縱遐觀城山互縱橫
想值更五點天雞始發聲一唱明星爛再唱東方明
遂令劉越石起舞中夜驚歲首適多閒春風吹我行
梅紅藥初綻草綠芽欲萌古松凍不折湖水寒逾清
無時多感傷況深懷古情嘆彼遷喬鳥求友們嚶嚶

登臺城

紙鷂帶鳴箏兒童拍手和一線引春風仰面看箇箇

相將登古城據堞且環坐鍾阜勢蜿蜒後湖浪風激
憑高險足守蕭梁何易挫惜哉吳老公貪小以失大
白馬渡江來金甌遂殘破贖得同泰身修到臺城餓
經國乏遠策佞佛猶細過英爽逝何歸臨風歌楚些

望後湖

春晴鳥聲歡雨霽苔徑幽登城瞰桑泊樹杪波光浮
入家住瓊島中連杜若洲

中有舊洲新洲龍引蓮萼

茅屋小於芥

漁艤輕若漚蔣山帶睥睨倒影入鏡流在宋元嘉中
黑龍一來游湖名易元武龍去波悠悠孝武習水戰
大閱陳龍舟因有昆明號功欲漢家侔前明存版籍

圖冊此閒收滄桑忽變更禾黍餘故址惟茲荒陂水
浩蕩嬉羣鷗網罟所不禁欵乃聞清謳安得理雙漿
遵渚任夷猶

孝陵

東出朝陽門孝陵遙在目石獸列道傍寒泉咽幽谷
鍾阜真龍蟠天矯勢起伏爪鬣奮擎攬一珠吐龍腹
陵在玩珠峯本梁僧寶誌函廔地探驪首誌公攀髯遂改卜韜晦待

眞主山靈費藏蓄迺邇享殿前未登心祇肅布衣踐
天位四海咸率服陋唐受隋封佚漢得秦鹿金陵王
氣全盡掃南朝局垂統三百載功德猶炳煜太甲成

眺情彌適修竹綠半城天桃紅千陌樓閣燦若霞帆
檣紛如織風景何曾異羣動各自得去去復遲徊聊
爲茲日惜

咏石城桃花

浪說韶光沒處尋天桃已自滿芳林紅無可奈愁輕
折畫不能傳付短吟賞未開應憐我早看如笑始信
春深六朝畢竟饒風韻一種繁華直到今

陽春

陽春育萬物物阜春不知雨露潛長養發榮各因時
閒亦有零落彌顯春無私唐花違本性早苗強爭奇

生機弱易竭忽已隨風萎方羨桃李花含芬當春期
摘果於未熟與其自離枝美惡視所取莫怨颺風吹

小東山

一名土山卽文靖公圍棋賭墅處

羽書紛告急命駕且遊山那許投鞭渡終看折屐還
楸枰先決勝絲竹幾開顏萬古留遺迹悠然意自閒

方山

一名天印山

四面皆平正應移几案傍始知天印大益信地形方
淮水迴環出金城迤邐長西流三百里疏鑿禹功彰
泛舟湖孰值淮水盛漲東風退鷁

三日船行百里閒風狂水逆阻溪灣卻因風水遲遲

好細看秦淮兩岸山

湖孰返棹風水大順半日行百里

返棹秦淮日已高風隨帆轉浪隨舫若非牽挽連朝力那得乘流百里豪

叫天子

草間衝起上蒼冥影入雲端一點青不解曉曉何所語強呼閶闔要天聽

靜海寺

島國通西極樓船下鄭和陪京開梵宇寰海靜風波
寺建於永樂中因鄭和招撫西洋諸國海氛靜謐取以名寺
柱有旃檀氣爐傳得

寶歌俗有檀香柱絳香榲碧玉柱礎之說殿前銅爐銅瓶亦鄭和所鑄閱人兼閱世

處處問維摩

三宿巖靜海寺後虞允文常三宿巖下

半壁說天傾完顏竟敗盟干城無老將活國賴書生
采石兵初接金陵勢必爭孤舟三宿此想見濟時情
登石頭城循雉堞行覽城一週詩以紀之

我年二十能奔走晨興百里日方酉探奇搜險勤躋
攀足底千峯萬峯有自從捧檄來江南倒持手版隨
人後紅塵十丈筍興忙低頭悶坐如新婦屢揩青眼
望雲山閒殺飛騰好身手今日何日得遊遨羈鳥破

效魚脫筍芒鞋一著雙趺輕竦身先上石頭城列嶂

我我江梅練萬象歷歷煙中生使我心目兩不暇飄

然獨向城頭行城外山多斷還續城裏山多滿修竹

居人在城勝在鄉桃柳森森繞茅屋就中清涼稱最

高翠微亭子凌青霄匡廬

山在定淮門內

盧龍

山在儀鳳門內

走西

北盡險阻臨深濠金川門塞久不開睥睨屈曲忽

東河雞鳴覆舟屹相向昆明水抱臺城隈我行到此

且少憩聊因弔古重徘徊英雄寇盜俱黃土金甌玉

樹安在哉鍾山龍蟠勢偏壯鱗爪之而翻駭浪一顧

金陵作帝都千年王氣幾開枊綠樹葱蘢認孝陵道

第石馬猶立仗鐘鼓樓空宮殿毀坐覺山川氣凋喪
秦淮之水西流長東來繞郭成金湯鑿破混沌斷地
脈徐溫豪舉續秦皇一道銀河貫天市兩涯燈月調
玉簫玳瑁梁閒栖燕子芙蓉葉底宿鴛鴦蕩漾情波
搖不定只今疏浚隨流觴雨花臺近長千里浮圖紺
碧摩空起雙闕天然拱玉京東田寂寞餘荒壘異代
興亡等渙漚江聲雲影共悠悠誰家女兒湖上住卻
愛笙歌名莫愁我獨尋幽多占意每逢佳處偏留滯
半日盡歷十三門百里崇墉緬經濟城磚陶始洪武
年府縣官人書名字遙想當時法令嚴萬人舉築功

非易如何不勞一矢加又見降旛出水次憑眺何須
嘆古人風前且復惜芳辰平生快意那有此崇朝賞
徧六朝春世閒萬事塵棲草爲歡當及身未老捷足
爲知行路難看山祇覺青春好明日汗漫遊煙巒下
瞰層城如斗小

登鍾山北高峯絕頂

四顧蒼茫甚巉巖喜獨攀三峯青靄上一寺白雲閒
白雲寺在北高峯下縱目天疑隘徐行路不艱偶逢磐石坐望
遠且開顏

人跡猶能到茲山未極高飛身凌雁背下視等鴻毛

幾見興亡速曾經戰伐勞春城花草滿江水日滔滔
登燕子磯有感靖難事

江干危磯名燕子參差勢欲凌風起龍蟠虎踞空稱
雄飛入高城舊巢毀金川門啟曉幕焚喃喃竟啄皇
孫死皇孫死燕高飛春社來秋社歸故國山河應未
改尋常百姓見已稀頡頏浪說貽謀善垂翼偏逢黃
石磯

永濟寺

峭壁起嶙峋琳宮迥出塵掉頭應笑我撒手竟何人
崖閒勒懸崖
撇手四字
南海娑羅樹
寺內娑羅樹一
株數百年物也
西方自在

身孤舟無處著明日泛江春

江行口號

一帆江上挂朝暎春水沄沄沒舊痕身在天然圖畫裏桃花紅破綠楊村

江陰閻忠烈公祠

南國壺漿到處迎海隅一尉敢相撓風來勁草羞同偃樹倒傍枝強獨撐天意久應收剩局臣心終矢殉孤城憐他六萬英雄士長與三忠俎豆并

典史陳忠愍訓導馮

三忠併祀俗稱三公祠

大風渡江

老學山房詩集卷二十一
濁浪高於山行人底欲渡衝波翦橫風性命同孤注
中流勢愈危歎側身屢仆若無競進心焉有顛覆懼
涉險雖幸全臨深敢再誤寄言揚帆者慎勿誇神助

北沙

江陰大江中

誰信滄波外依然有市廛水能生沃土天許作閒田
綠繞村村樹青分處處煙如聞耕饌畔荒僻足安便

午日北沙寓館作

輕寒未許葛衣披午日江心獨坐時解糗何人遙送
酒懷沙有客漫吟詩竹鞭透屋生新筍榴萼垂垣發
舊枝續命無勞分綵線幾經風雨鬢成絲

聽雨

聽雨荒江夜瀟瀟無限情倚牀叢百感剪燭易三更
浙瀝因風勢丁東雜漏聲早潮知己漲喔喔遠雞鳴
牆東石榴花

夏木凝繁綠石榴吐牆東穠華逞餘態綽約垂深紅
蜂蝶竟未知野鳥鳴芳叢殷勤慰幽寂葉葉楊薰風
何如東家子一笑嫣然逢

啼鳥

幽禽樂深樹盡日聞啼聲但覺音屢異不知竟何名
林密羣侶集形微一枝輕機械吾久無彈射爾勿驚

故應蕭閒處得此自在鳴重陰苦雨多試爲呼新晴
蚍蜉

羽蟲多化出蚍蜉信足徵庚寅夏五月苦雨滋鬱蒸
羣蟻緣牆陰一條黑如繩中有渠魁在形狀殊凌兢
背閒生四翼柔薄原難憑如何急自試鼓舞遽飛騰
衆蟻若羨嘆白日眞飛昇豈知尋丈閒墮落填溝塍
後來未覺悟繼起爭翦翦弱者困尺咫身重力不勝
一奮輒仰臥泥滑翅粘疑翻爲同類食會不稍哀矜
意初負弱羽未免驕其朋致此相摧殘嫉妬成怨憎
嗟嗟蚍蜉子胡弗知所懲

蜋蜞

蜋蜞產江鄉居陸更居水亦復擁雙螯公然具八跪
形質同郭索肉味謝刀匕岸側及牆陰窟穴常遷徙
赤者狀尤惡橫行速如鬼漁人釋不顧兒童遇或喜
繫維驅使逃欲以窮其技我昔初見之誤謂此或美
廚夫搖手笑藏毒在膏髓三吳蟹頗饒嘉名可屈指
蝓蚌逮候潮風蟹乃細鄙風蟹生黃浦江小者如豆
擔賣盈盆以布絞汁作羹
鮮一蟹一不如莫爲勸學死

庭前筍驟長作詩寄朱蕉圃州同

海

泥鬆筍露尖綠玉全在簍筍長簍隨長成竹簍自剝

雖資縹緲功恰能免束縛世間物易生更無此君若
抽梢倘不止直須上寥廓天公秉造化賦予分厚薄
黃楊厄閏年青祇如昨誰叅玉版禪好傾金鑿落
芭林方伯左右修竹圖

修竹生巖阿豈有干雲心達人在廊廟志不忘山林
覽茲東南美竊蔚交新陰因念平生歡披圖時復尋
座中對佳士綠玉何森森此君抱高節貴逾千球琳
曾爲嶰谷管吹律成龍吟又作葛陂龍騰空致甘霖
貞條障曲砌綠采敷遙岑檀欒睨嘉石蕭爽宜虛襟
官暇試幽賞清籟和鳴琴庶同柯亭笛千載稱知音

麥舟圖

吳縣曹良甫孝廉

林堅

遭親喪貧不能舉

時長樂梁茝林方伯開藩吳會聞而矜之
助金資其窀穸孝廉大感激繪麥舟圖賦
詩以謝于是吳士大夫咸高方伯之義嘉
孝廉之孝作詩交美之予亦和此篇

曼卿三喪羈榛蕪貧不能舉潛悲吁故人忽有麥舟
贈至今傳者范堯夫茲事正史所未載或以爲有或
云無文正忠宣世濟美嘉言懿行難勝書偶然賻贈
何足記以今證古知非虛范石當時稱故舊二舟之

遺猶區區誰信知交鮮半面慷慨乃與前賢符曹生
負米走百里歸來風木號臯魚蒲服環堵守孤櫬何
時窀穸安幽墟親戚相告朋友弔發聲一慟翔啼烏
莖林先生今大儒惻然慨分清俸餘馬鬣旣封埋澤
永生也感激淪肌膚古人所難今竟有平原買繡還
追摹貌出殷殷憂樂意吟成字字鮫人珠范公事往
七百載高誼重見陳斯圖披圖感嘆心語口一善詎
足該淵謨惟公德化被江左民歌來暮陽和敷首重
水利濬淞泖繼通運道資飛芻百廢具興庶事理表
彰名勝搜菰蘆高士祠堂起傑構滄浪亭子環清渠

焦山玉帶虎邱鼎一一考索勤爬梳卽今建牙撫吳

會

時護巡撫

春風到處回寒枯廣廈萬間裘萬丈行當展

覆歡全吳曹生此圖特嚙矢

紫光畫像濡毫須

注雲汀宮保印心石屋詩鈔初集成題後

獺祭紛陳我自嗤一編日夜費尋思人非磊落何能
注識愧閔多願學詩李杜文章徵出處范韓功業著
清時汗青別有千秋在卽此流傳決不疑

石港打冰

時隨同查勘淮南場竈

星使

風多纜不解風止河已疑港溜膠成石石港名固應

打冰通河路篙櫓勞最能破驚玻璃脆利駭刀劍稜
過顙水搏水叢波冰負冰船腹割欲裂旭日遲未昇
坐令荒篷底瑟縮如凍蠅履霜慮未先臨薄徒兢兢
改塗幸非晚彼岸猶可登置身著實地緩步隨枯籐

雪後登聚寶山雨花臺

大地鋪瑤沙小山稱聚寶行來石子岡跡深石轉少
天女初迴車餘花散未了皓色失層岫寒威涸林篠
置身清淨域決肯窮虛晶空山寂無人城市何紛擾
歲暮各有營屐聲徹煙表楚客獨蕭然俯訝金陵小
再拜方景祠

方正學景忠烈二先生祠俱在雨花臺側

素心同此皎

題黃春澗

鍾秀

眞州返魂梅圖卷

儀徵舊港準提庵古梅一株五幹大皆合
抱相傳爲唐時植至五代時忽自槁死宋
初復生俗呼返魂梅黃君於道光六年臘
月往探因圖其狀作詩索和

我愛林和靖詠梅識其眞又愛楊補之畫梅得其神
從此梅花都不死二子筆底常留春何意眞州舊港
尙漏一株在待君爲返千年魂我未見梅先見畫復
讀君詩如共話五幹橫斜無醜枝十分秘馥聞香界
榮枯動經數百載毋乃天公弄狡獪托根疑始太古

先何必近論李唐代嗚呼樹木亦借人爲傳歐公手
植平山巔培養護惜到枝葉攀條過客生留連世上
枯朽滿山谷摧燒拉雜誰曾憐固知佳士愛嘉樹清
氣暗與花盤旋卽今舊江深雪裏應開萬朶爭清妍
君歸再訪及新歲巡檐一笑吟花前他日倘過竹西
路更寫歐本邗江邊

寄題益堂太守瘠惇圖

負軛辛勤絕可憐受人鞭扑任人牽何時細雨桃林
野一笛風中放種田

秦淮夜雨

時重浚城內河工

風雨秦淮上春冬兩度過繞城仍逝水夾岸自清歌
廢苑亭臺沒荒灣瓦礫多爲山功可信一簣尙蹉跎

除夕感懷和范廉泉明府

仕義

原韻

共是他鄉客其如此夜何年華驚冉冉風雪更皤皤
夢入滇池隔

廉泉家雲南保山縣

春流楚澤多六朝同逝水莫

更歎奔波